



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<<26>> հոկտեմբերի 2018թ.

Ո Ր Ո Շ ՈՒ Մ No. 3933/14-ԱԸ

Զկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով անհատ ձեռնարկատեր Արա Զաքյանի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների անհատ ձեռնարկատեր Արա Զաքյանի (ՀՎՀՀ 78656717, հասցե՝ ՀՀ Սյունիքի մարզ ք.Կապան Զորքի թաղ. 8-28, պետ. գրանցման համարը՝ 72.863413) <27> սեպտեմբերի 2018 թվականի դրությամբ չկատարված հարկային պարտավորությունը կազմել է 1.563.390 դրամ, որից ապառք՝ 1.017.233 դրամ, տույժ՝ 546.157 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <28> սեպտեմբերի 2018 թվականին ԱԶ Ա.Զաքյանը Հայաստանի Հանրապետության հրապարակային ծանուցումների պաշտոնական ինտերնետային կայքի միջոցով պատշաճ կերպով ծանուցվել է, սակայն վարույթի նյութերին ծանոթանալու համար չի ներկայացել և նշվածի վերաբերյալ որևէ բացատրություն չի տվել:

ՀՀ վարչական դատարանը 19.05.2017 թվականին թիվ ՎԴ1/0169/05/16 վարչական գործով վճիռ է կայացրել ԱԶ Արա Զաքյանից 780.631 դրամ (ապառք՝ 759.817 դրամ, տույժ՝ 20.814 դրամ) բռնագանձելու մասին, որի մեջ ներառված է եղել եկամտային հարկ՝ 719.101 դրամ (ապառք՝ 699.817

դրամ, տույժ՝ 19.284 դրամ), 10%՝ 61.530 դրամ (ապառք՝ 60.000 դրամ, տույժ՝ 1.530 դրամ): Գերավճարի հաշվին մարվել է 330 դրամ եկամտային հարկ:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է **783.089 դրամ**, որից՝

եկամտային հարկի գծով պարտավորությունը կազմում է **685.266 դրամ**, որից ապառք՝ 187.454 դրամ, տույժ՝ 497.812 դրամ, որն առաջացել է 2015 թվականի հոկտեմբեր, նոյեմբեր, դեկտեմբեր ամիսների եկամտային հարկի և սոցիալական վճարի ամսական ամփոփ հաշվարկներից, իրավահարաբերության ծագման պահին գործող <<եկամտային հարկի մասին>> ՀՀ օրենքի 10-րդ հոդվածի 1-ին մասի 8-րդ կետով նախատեսված՝ 2015 թվականի հոկտեմբեր, նոյեմբեր, դեկտեմբեր ամիսների եկամտային հարկից և իրավահարաբերության ծագման պահին գործող <<Հարկերի մասին>> ՀՀ օրենքի 23-րդ հոդվածով հաշվարկված տույժերից:

սոցիալական վճարի /ամսական/ գծով պարտավորությունը կազմում է **77.823 դրամ**, որից ապառք՝ 50.292 դրամ, տույժ՝ 27.531 դրամ, որն առաջացել է 2015 թվականի օգոստոս, սեպտեմբեր, հոկտեմբեր, նոյեմբեր, դեկտեմբեր ամիսների եկամտային հարկի և սոցիալական վճարի ամսական ամփոփ հաշվարկներից և <<Կուտակային կենսաթոշակների մասին>> ՀՀ օրենքի 71-րդ հոդվածով հաշվարկված տույժերից:

սոցիալական վճարի /տարեկան/ գծով պարտավորությունը կազմում է **20.000 դրամ**, որից ապառք՝ 20.000 դրամ, որն առաջացել է 2015 թվականի տարեկան եկամուտների պարզեցված հաշվարկից և <<Կուտակային կենսաթոշակների մասին>> ՀՀ օրենքի 71-րդ հոդվածով հաշվարկված տույժերից:

<< հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն <<Հայաստանի Հանրապետության 2018 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված

հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառնել հարկային մարմնի ընդունած իրավական ակտի

կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. Անհատ ձեռնարկատեր Արա Զաքյանից գանձել **783.089 դրամ** պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ՝ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:



Handwritten signature in blue ink.

Ա. ՄՆԱՅԱԿԱՆՅԱՆ

Ստացա որոշման օրինակը

Ստորագրություն

հարկ վճարողի /կամ ֆիզ. Անձի/ պաշտ. Անձի անուն ազգանուն

ամսաթիվ